

**DISCOURS DU MINISTRE MENTOR, MINISTRE DE LA  
DÉFENSE et MINISTRE DE RODRIGUES AUX  
CELEBRATIONS DES 16 ANS DE L'AUTONOMIE  
RODRIGUAISE**

**Terrain de football de Grande Montagne**

**Vendredi 12 OCTOBRE 2018 – 15 H 00**

- Chef Commissaire, Monsieur Serge  
CLAIR et Madame,
  
- Adjoint Chef Commissaire  
Monsieur Nicolson Lisette,
  
- Honorable PPS Monsieur Jean Francisco  
FRANÇOIS et Madame,
  
- Honorable Joseph Buisson LEOPOLD,
  
- Mesdames et Messieurs les Commissaires  
et zotte conjoints,

- La Présidente de l'Assemblée Régionale,  
Marie Pricie Anjela Speville,
- Tou banne invités,
- Mo banne soeurs et frères Rodriguais

## **Bon après-midi tou dimounes**

- Li faire moi grand plaisir pou célébrer 16<sup>ème</sup> l'anniversaire l'autonomie de Rodrigues ensam avec zotte.
- Mo heureux quand mo trouver ki, pareil couma dans Maurice, éna développement partout dans Rodrigues aussi.

- Et mo constater ki majorité nou banne sœurs et frères rodriguais apprécier travail ki pé faire pou amélioze zotte condition la vie.
- Gouvernement Central pé assume so responsabilité vis-à-vis Rodrigues et l'Assemblée Régionale pé montrer li à la hauteur pou réponde à besoins et aspirations de banne citoyens ici.
- Ena ène formidable synergie entre Gouvernement Central et l'Assemblée Régionale.
- Et grâce à sa synergie là, Rodrigues pé progresser.

- Pou sa mo bien fier, parski à chaque fois mo finne gagne responsabilité pou Rodrigues, hier comme Premier ministre et azordi comme ministre de tutelle, mo finne place développement Rodrigues parmi mo banne priorités.
- Et là, mo tenir à félicite mo camarade Serge Clair, Chef Commissaire pou sa travail formidable ki li finne abatte dans l'intérêt Rodrigues et banne Rodriguais.
- Si l'autonomie finne ène réussite sé en grande partie grâce à Serge Clair. Donc, mo dire li ène grand bravo. Mo croire li mérite nou applaudissement.
- Mo dire bravo aussi à banne Rodriguais ki finne montrer zotte capacité pou faire Rodrigues avancer dans la bonne direction.

Zotte éna toutes les raisons pou applaudir zotte mêmes.

- Zotte finne à la hauteur de la confiance ki mo ti placer en zotte en 2001 quand nou ti vote projet de loi lors l'autonomie
- Talère là, mo ti coze synergie entre Gouvernement Central et l'Assemblée Régionale.
- Sa synergie là finne développer parski dans différents Budgets de la République finne donne financement ki nécessaire pou ki l'Assemblée Régionale réalise banne projets ki li estimé prioritaires.

- Mais en même temps, finne capave alle vite concernant banne projets quand finne éna compréhension et meilleure collaboration entre Gouvernement Central et l'Assemblée Régionale.
- Li important mo faire ressortir ki 'grant' total et lézotte dépenses pou Rodrigues ki faire par différents ministères dépi Budget de la République finne sorti Rs 1,2 milliard en 2005/2006 pou arrive à Rs 5 milliards en 2018/2019. **CINQ FOIS PLIS.**
- Sa sé la preuve de la volonté du gouvernement actuel dans Maurice pou accélère l'avancement ek progrès dans Rodrigues.

- L'épanouissement de nou peuple, ki li dans Maurice ou à Rodrigues sé nou pli grand priorité.
- Travail ki pé faire dans Rodrigues, ou capave trouve li avec ou deux lizié.
- Pou toujours éna dimounes pou critiquer mais l'essentiel c'est résultat et ou pé trouve résultat là.
- Guette qualité banne la route dans Rodrigues. Li aussi bon ou sinon pli bon ki dans certains l'endroit dans Maurice.
- Banne travaux construction ou réasphaltage la route pé continuer dans plusieurs l'endroit couma Mont Charlot, Mon Fanal, Rivière Bananes, Baie Topaze, et Camp Pintade, entre autres.

- En ce qui concerne de l'eau, mo conner li ène problème, mais pé prend banne actions pou améiore la situation.
- Mo finne apprane de banne papiers ki l'Assemblée Régionale finne envoie moi ki unités déssalement à Caverne Bouteille et Pointe Venus pou opérationnelles à 100% d'ici janvier 2019. Banne l'équipements finne fini commander pou deux unités déssalement ki pou installer à Baie Malgache et Pointe Coton. Aussi, mo comprend ki banne travaux concernant unité déssalement à Songe pou compléter fin novembre 2018.



- En même temps, banne procédures administratives finne déjà enclenchées pou construction réservoirs à Montagne Cabris et Hauteur Accacia. Aussi, éna projet pou réhabilite réservoirs Cascade Pigeon, Crève-Cœur et Terre Rouge.
- Tou sa pou permette ène meilleure distribution de l'eau dans court terme.
- Mais pou moyen et long terme, pé travaille lors ène Rodrigues Water Development Plan avec l'expertise de l'Inde.
- Nouvo projets concernant l'aéroport, le port et connectivité, entre autres, en bonne voie.

- Projet nouvo la piste d'atterrissage à l'aéroport Plaine Corail pou coûte Rs 3 milliards au moins. Mo apprane ki rapport pou 'preliminary design' finne soumette récemment.
- Banne travaux agrandissement terminal l'aéroport pou compléter le mois prochain.
- Dans le port pou éna construction ène nouvo quai. Ene 'Master Plan' inne soumette en novembre 2017 et d'ici la fin de l'année pou retenir service consultant pou banne travaux dragage et comblage.
- Pé alle de l'avant avec installation cable fibre optique par Mauritius Telecom pou facilite communication ek connectivité entre Rodrigues ek le reste du monde.

- Sé ène développement ki pou concrétiser en 2019 et sa pou mette Rodrigues lors simin ène lotte palier progrès.
- Par ailleurs, construction Rodrigues Technology Park à Baladirou prévue pou commencer en août 2019.
- Pareillement pou SME Park ki très attendu par banne entrepreneurs rodriguais.
- Au niveau l'éducation, avec nouvo facilités ki finne mette en place ces dernières années, banne zenfants rodriguais pé faire très bien et nou bisin continuer encourage zotte.
- Ene façon pou encourage zotte, sé bien sêr continuer améliorer banne infrastructures éducatives à Rodrigues.

- Mo trouve bien intéressant ki éna ène projet pou fourni computer et lézotte équipements informatiques dans 34 l'écoles pré-primaires.
- Mo félicite l'Assemblée Régionale ki finne vinne de l'avant avec projet pilote pou fourni ène repas équilibré deux fois par semaine à banne zélèves l'Ecole Primaire Port Sud Est et l'Ecole Communautaire Anse Quitor.
- Deux lézotte projets ki bisin mentionner sé construction ène l'Ecole communautaire à Baie Malgache et construction de ène gymnase moderne à Collège La Ferme.

- Au niveau banne services la santé, mo partage point de vue de l'Assemblée Régionale ki finne arrive l'heure pou rénove l'hôpital Queen Elizabeth. Mo penser sa bisin ène priorité et zotte capave compte lors moi pou faire sa projet là abouti.
- Mo également en faveur mise sur pied de ène E-Health system ki l'Assemblée Régionale pé proposer. Dans Maurice aussi, mo penser nou bisin bouge vite pou mette ène tel système en place.
- Au niveau l'agriculture, boucoup zefforts finne faire et pé continuer faire pou encourage plis production ek valorise produits Rodrigues.

- Mo noter avec intérêt ki finne mette en place ène unité production café à St Gabriel et l'Union ; ène ferme organique pou cultivation piment à Montagne du Sable ; ène ferme pou production limon et du miel à Anse Ali et aussi ène unité pou produire de l'huile essentielle à partir limon à Gravières.
- Tout sa pou permette développe banne produits typiquement rodriguais et mo péna de doute ki à Maurice et ailleurs éna marchés pou sa qualité produits là.
- Donc, avec tou sa travail ki pé faire là, pou éna boucoup opportunités développement pou nou banne sœurs et frères rodriguais ici dans Rodrigues li même.

- Evidemment, nou banne sœurs et frères rodriguais bienvenus dans Maurice et nou éna ène devoir accueillir zotte couma bisin et veille à zotte bien être.
- Dans sa l'optique là, ministère Intégration Sociale finne mette sur pied ène structure à Maurice et à Rodrigues pou donne banne informations utiles.
- Finne éna récemment certains critiques contre décision Air Mauritius pou arrête pratique banne billets ouverts (Open Tickets). Laisse mo rassure mo banne sœurs et frères rodriguais ki sa finne faire pou ki Air Mauritius capave mieux planifier so banne vols.

- Finne éna flexibilité après ki Chef Commissaire finne discute avec Air Mauritius. Finne tombe d'accord pou émette banne billets ouverts à certaines conditions. Mais faudré ki passagers coopérer et bisin impérativement faire réservation avant alle l'aéroport. Parski nou bisin comprend ki Air Mauritius éna responsabilité li aussi. Evidemment, en cas d'urgence couma maladie ou mortalité, Air Mauritius pou donne priorité à banne passagers concernés.



- En séki concerne l'ordre et la paix dans Rodrigues, non seulement pé construire nouvo stations la Police et rénove banne stations existantes, mais pé renforçi logistique en terme véhicules ek effectifs lors terrain.
- Nouvo station la Police dans Petit Gabriel déjà opérationnelle, de même ki ène Réhabilitation Youth Centre à Fond Baie aux Huitres.
- Concernant combat contre la drogue, nou finne prend note de recommandations Commission d'enquête et mo capave dire zotte ki nou pou sans pitié contre trafiquants.

- Demain, mo pou éna ène réunion avec Chef Commissaire et lézotte commissaires pou discute lors plan d'action ki pé mette en place pou traque banne marchands la drogue.
- Laisse mo dire quelques mots lors réforme électorale.
- Couma zotte devet conner, Premier ministre finne présente certaines propositions au nom gouvernement. Finne proposer ki Rodrigues aussi éna trois députés.
- Et quand ène parti politique mette candidats dans Rodrigues, li nécessairement bisin aligne ène madame.

- Sa pou donne plis chance ki Rodrigues éna ène député madame dans l'Assemblée Nationale.
- Réforme électorale ki le Premier ministre finne présenter assurer ki éna stabilité pou gouverner après ène élection générale.
- Nou fidèle à séki nou finne toujours dire. Pé propose introduction ène dose de proportionnelle et ène mécanisme pou rétabli majorité ki issue des élections générales selon système First Past the Post et même temps assurer ki éna ène représentativité adéquate de nou nation arc-en-ciel dans l'Assemblée.
- Avec séki finne proposer pou népli bisin déclare communauté quand pose candidat pou élections générales.

- Dépi 2002, finne éna 4 élections pou l'Assemblée Régionale de Rodrigues.
- Zotte finne constater zotte même ki manière système proportionnel créer ène situation d'instabilité politique.
- Sé pourquoi nou pé faire attention.
- Nou ava guetter si éna majorité dans Parlement pou faire adopter la réforme ki finne proposer.
- En tout cas, mo capave dire zotte ki, en ce qui concerne Rodrigues, nou disposer mette la tête ensam pou reguette, encore ène fois, système électoral pou élection l'Assemblée Régionale.

- Mo banne sœurs et frères rodriguais, péna de doute ki Gouvernement Central et l'Assemblée Régionale pou continuer travail la main dans la main pou faire Rodrigues rayonner dans République de Maurice.
- Mo dire zotte merci pou zotte l'accueil et considération ki zotte finne toujours donne moi.
- Rodrigues reste près ek mo lécoeur.
- Merci encore ène fois.
- Mo embrasse zotte bien fort.
- Bonnes célébrations.
- Vive la République de Maurice.